



Broj:
Sarajevo, 19.04.2023.

Skupština Kantona Sarajevo
Zastupnik Prof. dr. Damir Marjanović

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
n/r predsjedavajućeg Edo Okerić

PREDMET: ZASTUPNIČKA INICIJATIVA

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo” - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničku inicijativu Skupštini Kantona Sarajevo, Vladi Kantona Sarajevo i/ili resornom Ministarstvu.

INICIJATIVA:

- **Podnosim inicijativu da Skupština Kantona Sarajevo, u saradnji sa resornim Ministarstvom, imenuje komisiju koja će utvrditi zdravstveno i higijensko stanje štićenika, kao i kapacitiranost stručnih kadrova za evidentirani broj štićenika u Zavodu za zbrinjavanje mentalno invalidne djece i omladine Pazarić.**

OBRAZLOŽENJE:

Prije tri i po godine, kada su se pojavili snimci štićenika vezanih za radijatore i namještaj, a koji je ukazivao na nehuman tretman u toj instituciji, činilo se da su nadležni spremni učiniti sve kako bi promijenili stanje. Zasedao je Federalni Parlament nakon afere “Pazarić” iz čega su proizašli zaključci koji su trebali biti obavezujući i za Vladu, direktore, kao i za sve uposlene. Međutim, informacije o nehumanim uslovima i neadekvatnoj organizaciji te institucije su ponovo aktuelne, što znači da po pitanju zaključaka i obaveza Vlade nije se puno uradilo do sada u Zavodu?

Prema posljednjim podacima u Zavodu je zbrinuto oko 340 štićenika. Iako je ova Javna ustanova registrovana na nivou Federacije Bosne i Hercegovine i osnovne ingerencije vezane za njeno upravljanje ima Federalno ministarstvo rada i socijalne politike, treba uzeti u obzir i činjenicu da se iz budžeta Kantona Sarajevo izdvaja 1.300,00KM za svakog štićenika u Zavodu. To nam daje za pravo da se aktivnije uključimo u rješavanje nagomilanih problema koje ima ova Javna ustanova te da aktivno vršimo monitoring nad novcem koji se izdvaja iz budžeta u ove svrhe, a očigledno ne rješava nagomilane probleme sa kojima se susreću i uposlenici i štićenici Zavoda za zbrinjavanje mentalno invalidne djece i omladine Pazarić.





Entitetska komisija za praćenje stanja osoba sa duševnim smetnjama još je 2019. godine utvrdila da su njegovatelji preopterećeni, i preporučila dodatna stručna upošljavanja. Utvrđen je manjak defektologa, logopeda, pedagoga. Od tada, Entitetska komisija više nije posjećivala Zavod.


Da li je od tada do danas obezbjeđen taj kadar kroz dokvalifikaciju ili reorganizaciju unutra institucije, ili kroz programe zapošljavanja?

Usvojen je Zakon o ustanovama socijalne zaštite, ali ono što je propisano ne provodi se u praksi. Zakonom je definisano da jedan uposlenik brine o 10 štićenika, dok je trenutno stanje u Zavodu da jedan uposlenik brine o 50 štićenika.

U javnost je dostupan interni document Zavoda koji indicira teška zdravstvena stanja kožnih osipa i dermatitisa štićenika kao posljedica loših higijenskih uslova i neadekvatne brige.

Još nikada nije uspostavljen registar djece sa poteškoćama u razvoju.

S poštovanjem,



prof. dr. Damir Marjanovic

